


唐詩類苑





唐詩類苑第三十卷

仁和卓明卿澂父編輯

華亭張之象玄超

長洲毛文蔚豹孫同校

禮部

郊丘

郊天舊樂章一首

登鉶禮著黍稷誠微音盈鳳管彩駐龍旂洪歆式就  
介福攸歸送樂有闋靈馭遄飛

武后享昊天樂章十二首



大陰凝至化貞曜蘊軒儀德邁娥臺敞仁高妙幄披  
捫天遂啓極夢日乃昇曦

瞻紫極望玄穹翹至懇罄深衷聽雖遠誠必通垂厚  
澤降雲宮

乾儀混成冲邃天道下濟高明閭陽晨披紫闕太一  
曉降黃庭圓壇敢由昭報方璧冀展虔情丹襟式敷  
衷懇玄鑒庶察微誠

巍巍獻業廣赫赫聖基隆菲德承先顧禎符萃眇躬  
銘開武巖側圖薦浴川中微誠詎幽感景命忽昭融  
有懷慚紫極無以謝玄穹

朝壇霧卷曙嶺煙沉受設篚幣式表誠心筵輝麗壁  
樂暢和音仰惟靈鑒俯察翹襟

昭昭上帝穆穆下臨禮崇備物樂奏銷金蘭羞委薦  
桂醕盈斟敢希靈德聿罄莊心  
眞壁郊壇昭大禮銷金拊石表虔誠始奏承雲娛帝  
賞後歌調露暢韶英

荷恩承願託執契恭臨撫廟略靜滯荒天兵曜神武  
有截資先化無爲遵舊矩禎符降昊穹大業光寰宇  
罇浮九醞禮備三周陳誠菲奠契福神猷

肅肅祀典邕邕禮秩三獻已周九成斯畢爰撤其俎



載遷其實或升或降唯誠唯質  
禮終肆類樂闋九成仰惟明德敢薦非馨顧慚菲奠  
久駐雲輶瞻荷靈澤悚恧兼盈  
式乾路關天扉迴日馭動雲衣登金闕入紫微望仙  
駕仰恩徽

中宗祀昊天樂章十首

天之曆數歸睿唐顧惟碩德欽昊蒼選吉日兮表殷  
薦冀神鑒兮降闔陽  
恭臨寶位肅奉瑤圖恒思解網每軫泣辜德慚巢燧  
化劣唐虞期我良弼式贊嘉謨

得一流玄澤通三御紫宸遠叶千齡運遐銷九域塵  
絕瑞駢闐集殊祥絡繹臻登年慶栖畝稔歲賀盈困

又

悠哉廣覆皇矣曲成九玄著象七曜甄明珪璧是奠  
醞酌斯盈作樂崇德爰暢咸英

崇壇展敬嚴配因心孤竹簫鼓空桑瑟琴肅穆大禮  
鏗鏘八音恭惟上帝希降靈歆

九成奏三獻式陳欽成景福恭託明禋

坤元光至德柔訓闡皇風苾苾芳聲遠龔斯美化隆  
獻範超千載嘉猷備六宮肅恭陪盛典欽若薦禋宗



又

三靈降饗三后配神虔申享奠敬展郊禋

已陳粢盛敷嚴祀更奏笙鏞協雅聲璇圖寶曆欣寧謐晏俗淳風樂太平

堂堂聖人興赫赫昌基泰戎車盟津偃王帛塗山會舜日啓祥暉堯雲卷征旆風猷被有截聲教覃無外

五郊樂章二十首

黃中正位含章居貞既長六律兼和五聲畢陳萬舞乃薦斯牲神其丕降永祚休平

眇七方輿蒼七圓蓋至哉樞紐宅中圖大氣調四序

風和萬籟祚我明德時雍道泰

金懸夕肆王俎朝陳饗薦黃道芬沅紫宸廼誠廼敬載享載禋崇薦斯在惟神是賓

御徵乘宮出郊甸安敢率舞遞將迎自有雲門符帝賞猶持雷鼓答天成

鶴雲旦起鳥星昏集律候新風陽開初蟄至德可饗行潦斯挹錫以無疆蒸人乃粒

玄鳥司春蒼龍登歲節物變柳光風轉薰瑤席降神朱絃饗帝誠備祝嘏禮殫珪幣

大樂稀音至誠簡禮文物棣棣聲明濟濟六變有成



唐詩類苑 卷之三十一 禮部  
三登無體迺眷豐絜恩覃愷悌

笙歌籥舞屬年韶鷺鼓鳧鐘展時豫調露初迎綺春  
節承雲遽踐蒼霄馭

青陽告謝朱明戒序咸長是祈敬陳椒醕博碩斯薦  
笙鏞備舉庶盡肅恭非馨稷黍

離位克明火中宵見峯雲暮起景風長扇木槿初榮  
含桃可薦芬馥百品鏗鏘三變

昭昭丹陸奕奕炎方禮陳牲幣樂備篴簧瓊羞溢俎  
玉醑浮觴恭惟正直歆此馨香

千里溫風飄絳羽十枝炎景騰朱干陳觴薦俎歌三

獻拊石撻金會七盤

白藏應節天高氣清歲功旣阜庶類收成萬方靜謐  
九土和平馨香是薦受祚聰明

金行在節素靈居正氣肅霜嚴林凋草勁豺祭隼擊  
潦收川鏡九穀已登萬箱流詠

律應西成氣躔南呂珪幣咸列笙竽備舉苾苾蘭羞  
芬匕桂醑式資宴貺周調霜序

璿儀氣爽驚緹籥玉呂灰飛含素商鳴鞀奏管芳羞  
薦會舞安歌葆眊揚

嚴冬季月星迴風厲享祀報功方祚來歲



律回玉瑄星周金度次極陽烏紀窮陰兎火林霰雪  
陽泉凝沍入蜡已登三農息務  
陽月斯紀應鍾在候載索牲牲爰登俎豆既尚既遠  
無聲無臭靜言格思惟神保佑  
執齋持羽初終曲朱干玉戚始分行七德九功咸已  
暢明靈降福具穰穰

五郊舊樂章十首

朱明紀序黃郊正辰厚以載物其以養人毓金為體  
稟火成身宮音式奏奏以迎神  
春末冬暮徂夏杪秋土王四月時紀一周黍稷已享

簋豆宜收送神有樂神其賜休

緹幕移候青郊啓蟄淑景遲遲和風習習璧玉宵備

旌旄曙立張樂以迎帝神其入

文物而彩聲明動色人竭其恭靈昭其飭歆薦無已  
垂禎不極送禮有章惟神還軼

青陽節謝朱明候改靡草彫花含桃流彩虞列鍾磬  
筵陳脯醢樂以迎神七其如在

炎精式降蒼生攸仰羞列豆籩酒陳犧象昭祀有期  
令儀不爽送樂張音惟靈之往

序移玉律節應金商天嚴殺氣吹警秋方樵燎既積



稷奠並芳樂以迎奏庶降神光  
祀遵五禮時屬三秋人懷肅敬  
靈降禎休奠歆旨酒  
薦享瓊羞載張送樂神其上游  
玄英戎序甲郊臨候掌禮陳彝  
司筵執豆寒氛歛色  
沍泉凝滃樂以迎神八音斯奏  
北郊時泐南陸輝處奠本虔誠  
獻彌恭慮上延祉福  
下承歡豫廣樂神送神其整馭

冬至祀園丘樂章八首

上靈眷命膺會昌盛德殷薦叶  
辰良景福降兮聖德  
遠玄化穆兮天曆長

穆上我后道應千齡登三處大  
得一居貞禮惟崇德  
樂以和聲百神仰止天下文明

闔陽播氣甄曜垂明有赫玄宰  
深仁曲成日麗蒼壁  
烟開紫營聿遵乾亨式降鴻禎

欽惟大帝載仰臯穹始命田燭  
爰啓郊宮雲門駭聽  
雷鼓鳴空神其介祀景祚斯融

八音斯奏三獻畢陳寶祚惟永  
暉光日新

壘壁凝影皇壇路編珠流彩帝  
郊前已奏黃鍾歌大  
呂還符寶曆祚昌年

昔在炎運終中華亂無象鄴郊  
赤鳥見邗山黑雲上



大賚下周車禁暴開殷網幽明同叶贊鼎祚齊天壤

又

歌奏畢兮禮獻終六龍馭兮神將昇明德感兮非黍稷降福簡兮祚休徵

玄宗祀圓丘樂章十一首

至矣丕構烝哉太平授羲膺籙後禹繼明草木仁化鳥驚頌聲祀宗陳德無愧斯誠

郊壇齊帝禮樂祀天丹青寰宇宮徵山川神祇畢降行止重旋融七穆七納祉洪延

止奏潛聆登儀宿轉大王躬奉參鐘首奠簠簋聿昇

犧牲迺薦昭事顯若存存以現

爛雲普洽律風無外千品其凝九賓斯會禮尊晉燭

純犧滌汰玄覆攸庶鴻休汪穢

六變爰闋八階載虔祐我皇祚于萬斯年

於赫聖祖龍飛晉陽底定萬國奄有四方功格上下

道冠農黃郊天配享德合無疆

崇崇泰疇肅肅嚴禋粢盛孔潔金石畢陳上帝來享

介福爰臻受釐合祉寶祚惟新

祝史正辭人神叶慶福以德昭享以誠應六變云備

百禮斯浹祀事孔明福流萬葉



唐詩卷之二十一 禮部  
馨香惟后德明命光天保肅和崇皇靈陳信表皇道  
玉戚初蹈厲金匏既靜好介福何穰七精誠格窮昊

又

大號成命思文配天神光膺蠻龍駕言旋眇七閭闔  
昭昭上玄俾昌而大于萬斯年

六成既闕三薦云終神心具醉聖敬愈崇受釐皇邸  
迴蹕惟宮穰七之福末末無窮

褚亮作祭方丘樂章五首

萬物資以化文恭屬昇平易從業惟簡得一道斯寧  
具儀光玉帛迭舞變成英黍稷良非貴明德信惟馨

又

至矣坤德皇哉地祇開元統紐合大承規九宮肅列  
六典相儀求言配命長保無虧

柔而能方直而能敬厚載以德大享以正有滌斯牲  
有馨斯盛介茲景福祚我休慶

玉幣牲牷分薦享羽旄干戚迺成客一德惟寧兩儀  
泰三才保合四時邕

陰祇協贊厚載方貞牲幣具舉簫管備成其豐惟肅  
其德惟明神之聽矣式鑒虔誠

睿宗祭方丘樂章二首



坤厚載物德柔垂祉九域咸雍四瀛爲紀敬因良節  
虔脩陰祀廣樂式張靈其降止

坤元至德品物資生神凝博厚道協高明列鎮五嶽  
環流四瀛于何不載萬寶斯成

樂備金石禮光尊俎大享爰終洪休是與雨零感節  
雲飛應序纓紱載辭皇靈具舉

社稷

太宗祭神州樂章三首

大矣坤儀至哉神縣包含日域牢籠月竈靈絜三清  
風調六變皇祗屆止式歆恭薦

泰折嚴享陰郊展敬禮以導神樂以和性牲牲在列  
璜琮俯映九土旣平萬邦貽慶

坤道降祥和庶品靈心載德厚羣生水土旣調三極  
泰文武畢備九區平

祭神州舊樂章二首

黃輿厚載赤寰歸德含育九區保安萬國誠敬無怠  
禋祀有則樂以迎神其儀不忒

神州陰祀洪恩廣濟草樹露和飛沈沐惠禮脩鼎俎  
奠歆璫幣送樂有章靈軒其逝

太宗祭社大樂章三首



后土凝德神功協契九域底平兩儀交際戊期應序  
陰墉展幣靈車少留俯歆搏桂

美報崇本嚴恭展事受露䟽壇承風啓地潔粢登俎  
純犧入饋介福遠流群生畢遂

神道發生敷九稼陰極乘仁暢八埏緯武經文隆景  
化祭祥薦祉啓豐年

祭大社舊樂章二首

烈山有子后土有臣播種百穀濟育兆人春宮輯禮  
宗伯司禋戊為吉日迎享茲辰  
吉祥式就酬功載畢親地尊天禮文經術貺徵令序

福流初日神馭爰歸祠官其出

享先農樂章四首

粒食伊始農之所先古今攸賴是日人天耕斯帝籍  
播厥公田式崇明祀神其福焉

樽彝既列瑚簋方薦歌工載登幣禮斯奠肅乚享祀  
顒顒纓弁神之聽之福流寰縣

前夕視牲質明奉俎沐芳整弁斯儀式序盛禮畢陳  
嘉樂備舉歆我懿德非馨稷黍

羽籥低昂文綴已干戚蹈厲武行初望歲祈農神所  
聽延祥介福豈云虛



唐詩卷之二十一 禮部  
十一  
享先農舊樂章一首

三推禮就萬庾祺凝  
夤賓志遠薦藜惟與降  
歆肅薦垂祐祗膺送神  
有樂神其上昇

享先蠶樂章五首

芳春開令序韶苑暢和風  
惟靈甲廣祐利物表神功  
綺繪周天宇黼黻澡寰中  
庶幾承慶節歆奠下惟宮

又

明靈光至德深功掩百神  
祥源應節啓福緒逐年新  
萬宇承恩覆七廟佇恭禋  
一茲申至懇方期遠慶臻

又

霞莊列寶衛雲集動和聲  
金卮薦綺席玉幣委芳庭  
因心罄丹款先已勵蒼生  
所冀延明福于茲享至誠

又

桂筵開玉俎蘭圃薦瓊芳  
八音調鳳律三獻奉鸞觴  
絜粢申大享庭宇冀降祥  
神其覃有慶契福永無疆

又

仙壇禮既畢神駕嚴將昇  
佇屬深祥啓方期庶績凝  
虔誠資宇內務本勗黎烝  
靈心昭備享率土洽休徵

陳叔達州城西園入齋祠社一首

升壇預絜祀詰草肅分司  
送氣風霜積登光日色遲



唐詩類苑 卷之二十一 禮部  
農教先入政陽和秩四時祈年服垂冕告幣動寒帷  
瘞地尊餘奠人天庶有資椒蘭卒清酌簠簋徹香芝  
折俎分歸胙克庭降受釐方憑知禮節况奉化雍熙

唐類苑第三十卷終

唐詩類苑第三十一卷

仁和卓明卿澂父編輯

華亭張之象玄超

長洲毛文蔚豹孫同校

禮部

宗廟

太宗享太廟樂章十一首

於穆烈祖弘此丕基末言配命子孫保之百神既洽  
萬國在茲是用孝享神其格思

大哉至德允茲明聖格于上下聿遵誠敬嘉樂斯登



鳴球以詠神其降止式隆景命

崇茲享祀誠敬兼至樂以感靈禮以昭事絜盛成潔  
牲牲孔備永言孝思庶幾不匱

濬哲維唐長發其祥帝命斯祐王業克昌配天載德  
就日重光本枝百代申錫無疆

猗與祖業皇矣帝先剪商德厚封唐慶延在姬猶穆  
方晉踰宣基我鼎運千萬斯年

周美王季晉美帝文明七盛德穆穆齋芬藏周四履  
屈道三分鏗鏘鍾石載紀鴻勳

五紀更運三正遞升勛華既沒禹湯勃興神武命代

靈睴是膺望雲彰德察緯告徵上紐大維下安地軸

徵師涿野萬國咸服偃伯靈臺九官允穆殊域委賚

懷生介福大禮既飭大樂已和黑章擾囿赤字浮河

功宣載籍德被詠歌克昌厥後百祿是荷

八音斯奏三獻畢陳寶祚惟永暉光日新

聖敬通神光七廟靈心薦祚和萬方嚴禋克配鴻基

遠明德惟馨鳳曆昌

於穆清廟聿脩嚴祀四縣載陳三獻斯正籩豆撤薦

人祗介祉神惟格思錫祚不已

肅肅清祀蒸蒸孝思薦享昭備虔恭在茲雍歌撤俎



唐詩類苑 卷之十一 禮部 二 祝故陳辭用光武志永固鴻基

高宗享太廟樂音五首

五運改卜千齡啓聖形雲曉聚黃星夜映葉闡珠囊  
基開玉鏡下臨萬寓上齊七政霧開三象壁清九服  
海晏星暉遠安邇肅天地交泰華夷輯睦翔泳歸仁  
中外禔福績踰黜夏勳高翦商武陳七德刑設三章  
祥禽巢閣仁獸遊梁卜年惟永景福無疆

承天撫錄纂聖登皇遐清萬寓仰協三光功成日用  
道濟時康璇圖載永寶曆斯昌日月揚暉烟雲爛色  
河嶽脩貢神祇效職舜風攸偃堯曦先就睿感通寰

孝思浹宙奉揚先德虔遵曩狩展義天扃飛英雲岫  
化溢王表神凝帝先乘雲厭俗馭日登玄

廣樂旣備嘉薦旣新述先惟德孝饗惟親七獻具舉  
五齊畢陳錫茲祚福千萬斯春

惟睿作聖惟聖登皇精感耀魄時應會昌舜慚大孝  
堯推讓王能事斯極振古誰方文明履運車書同軌  
巍巍赫七畫善盡美衢室凝旒大庭端袞釋負之寄  
事光復于脫筵高天登遐上玄龍湖超忽象野芊綿  
遊衣復道薦果初年新廟奕七明德配天

大業龍祉徽音駿尊潛居皇德赫嗣天昆展儀宗祖



重誠孝孫春秋無極享秦存存

享太廟樂章又三首

七廟觀德百靈攸仰俗荷財成物資含養道光執契  
化籠提象肅乚雍雍神其來享

肅乚清廟巍巍盛唐配天立極累聖重光樂和管磬  
禮備烝嘗永惟來格降福無疆

五聲備奏三獻終詞卑移鳳輦旆轉紅旗禮周籩豆  
誠效虔祇皇靈徙蹕簪紳拜辭

中宗享太廟樂章十四首

肅乚清廟赫赫玄猷功高萬古化奄十洲中興丕業

上荷天休祇奉先構被禮懷柔

顧惟菲薄纂曆應期中外同軌夷狄來思樂用崇德  
禮以陳詞欽奉宏基

禮標薦鬯肅事祠庭敬申如在敢託非馨

崇禋已備粢盛聿脩絜誠斯展鍾石方邁

金相載穆王裕重輝養德青禁承光紫微乾宮候色

震象增威監國方永賓天不歸孝友自衷溫文性與

龍樓正啓鶴駕斯舉丹袞流念鴻名式序中興考室

永陳彝俎

巍巍累聖穆乚重光奄有區夏祚啓隆唐百蠻飲澤



萬國來王本枝億載鼎祚逾長

惟聖配天敷盛禮惟天爲大闡洪名恭禋展敬光先  
德蘋藻申虔表至誠

炎馭失王綱土德承天命英猷被宸宇懿躅隆邦政  
七德已綏邊九夷咸底定景化覃遐邇深仁洽翔泳

又

禮周三獻樂闋九成肅承靈福悚惕兼盈

祠容旣畢仙座爰興停停日舉靄靄雲昇長隆寶運  
永錫休徵福覃貽厥恩被黎蒸

道洽二儀交泰時休四寓和平環佩肅鳴庭實鍾石

揚乎頌聲

顧惟菲質忝位椒宮虔奉蘋藻肅事神宗敢申誠潔  
庶罄深衷睟容有裕禮享無窮

月禮已周雲和將變爰獻其醑載遷其奠明德逾隆  
非馨是薦澤霑動植仁覃寓縣

鏗鏘韶濩肅穆神容洪規赫乚祀典雍乚巳周三獻  
將乘六龍虔誠有託懇志無從

玄宗享太廟樂章二十五首

肅九室諧八音歌皇慕動神心宿禮設樂妙尋聲明  
備裸奠臨



唐詩類苑 卷之十一 禮部 五 禮部 禮部 禮部  
徘徊氣音入玄依玉几御黼筵聆愾息僂周旋九韶  
遍百神傳

信工祝末頌聲來祖考聽和平相百辟貢九瀛神休  
委帝孝成

時文聖后清廟肅邕致誠勤薦在貌思恭玉節肆夏  
金鏘五鐘繩繩雲步穆穆天容

天子享孝工歌溥將既裸鬱鬯乃焚膋薌臭以達旨  
聲以求揚奉時烝嘗未代不忘

在滌嘉黍麗碑敬牲角握之牝色純之駢火傳陽燧  
水溉陰精太公胖俎傳說和羹

俎豆有馥亦有和羹齋盛潔豐既戒既平鼓鐘管磬  
肅唱和鳴皇七后祖來我思成

聖謩九德真言五千慶集昌胄符開帝先高文仗鉞  
克配彼天三宗握鏡六合渙然帝其大祀率禮罔愆  
圖書霧出日月清懸舞形德類詠諗功傳黃龍蛇壇  
彩雲踟躕五行氣順八佾風宣介此白祥于皇萬年  
肅七空藝滔滔濬源有雄王劍作鎮金門玄王貽緒  
后稷謀孫肇裡九廟四海來尊

具禮崇德備樂承風魏推幢主周贈司空不行而至  
無成有終神興王業大歸帝功



唐詩類苑 卷之卅一 禮部  
于赫元命權輿帝文天齊八柱地半三分宗廟觀德  
笙鏞樂勳封唐之兆成天下君

帝舞季歷隆聖生昌后歌有螭胎炎孕黃天地合德  
日月齊光肅雍孝享祚我萬方

赤精亂德四海困窮黃旗舉義三靈會同旱望春雨  
雲披大風溥天來祭高祖之功

皇合一德朝宗百神削平天地大拯生人上帝配食  
單于入臣戎歌陳舞曄曄震震

高皇邁道端拱無爲化懷獯鬻兵賦句驪禮尊封禪  
樂盛來儀合位媯皇后稱伏犧

退居江水鬱起丹陵禮物還舊朝章中興龍圖友及  
駿命恭膺鳴球香璫大禧是承

景雲霏爛告我帝符噫帝冲德與天爲徒笙鏞遙遠  
俎豆虛無春秋孝獻迴復此都

備禮用樂崇親致尊誠通慈降敬徹愛存獻懷稱壽  
啐感承恩皇帝孝德子孫千億大包天域長亘不極  
六鐘翕協六變成八佾倘佯八風生樂九韶兮人神  
感美七德兮天地清

瑟彼瑤爵亞維上公室如屏氣門不容躬禮殷其本  
樂執其中聖皇永慕天地幽通



禮匣三獻樂遍九成降循軒陛仰歆皇情福與仁合  
德因孝明百年神畏四海風行

總總千戚填填鼓鍾奮揚增氣坐作為容離若鷺鳥  
合如戰龍萬方觀德肅七鬯七

烈祖順三靈文宗威四海黃鉞誅群盜朱旗掃多罪  
我兵天下安約法人心改大哉干羽意長見風雲在  
止笙磬撤豆籩廓無響窅入玄主在室神在天情餘  
慕禮罔愆嘉黍稷屢豐年

眇嘉樂授靈爽感若來思如往休氣散迴風上返寂  
寔還惚恍懷靈駕結空想

陳叔達太廟裸地歌辭一首

清明既裸鬱鬯惟禮太哉思孝嚴恭祖禰龍衮以祭  
鸞刀斯啓發德朱絃升歌丹陛筵享梁盛堂斟沉齊  
降福穰七來儀濟濟

儲光羲尚書省受誓誠治太廟寄裴丞一首

皇家有恒憲齋祭崇明祀嚴車伊洛間受誓文昌裏  
沉沉雪閣見稍稍城鳥起曙色照衣冠虛庭鳴劍履  
徘徊念私覲悵望臨清汜點翰欲何言相思從此始  
王維奉和聖製慶玄元皇帝玉像之作應制

一首



唐詩類苑 卷之十一 禮部  
明君夢帝先寶命上齊天秦后徒聞樂周王耻卜年  
玉京移大像金錄會群僊承露調天供臨空敞御筵  
斗迴迎壽酒山近起爐烟願奉無爲化齋心學自然  
張九齡奉和聖製謁玄元皇帝廟齋一首  
興運昔有感建祠北山顛雲霄初締構日月今悠然  
紫氣尚翬鬱玄元如在焉治茲事追遠輪奐復爭鮮  
洞府香林處齋壇清漢邊吾君乃尊祖夙駕此留連  
樂動人神會鍾成律度圓笙歌下鸞鶴芝朮萃靈僊  
曾是福黎庶豈唯味虛玄  
睿歌徒有作微薄謝昭宣

太清宮樂章十一首

煌煌道宮肅肅太清禮光尊俎樂備充庭罄竭誠至  
希夷降靈雲凝翠蓋風燄虹旌衆真以從九奏初迎  
永惟休祐是錫和平

虎無結思鐘磬和音歌以頌德香以達心禮殊裸鬯  
義感照臨雲車至止慶垂悃悃

肅七我祖絲絲道宗至感潛達靈心暗通雲輶御氣  
芝蓋隨風四時禋祀萬國來同

僊宗積道我李承天慶深虛極符光象先俗登仁壽  
化闡淵蛸五千貽範億萬斯年

不宰元功無爲上聖洪源長發誕受天命金奏迎真



璇宮展盛備禮周樂垂光儲慶

至道生元氣重圓法混成無爲觀大象冲用體常名  
僊樂臨丹闕雲車出玉京灵符百代應瑞節九貞迎  
寶運開皇極天光映太清長垂一德慶永庇萬方寧

又

貞宗開妙理冲教統清虛化演無爲日言昭有象初  
瑤壇肅灵瑞金闕映僊居一奏三清樂長回八景輿

又

虛極僊宗本希夷象帝先百灵朝太上萬法祖重圓  
善貸惟冲德功成謂自然雲門達和氣思用合鈞天

又

元符傳紫極寶祚啓高貞道德先垂裕冲和已化淳  
八風齊太古天瑞叶惟新仙樂清都上長明交泰辰

又

嚴禋展事禮潔烝嘗皇矣聖祖德惟馨香盛薦旣撤  
歌工再揚大來之慶降福穰比

玉磬含響金鑪旣馥風馭冷七雲壇肅肅杳歸大象  
霈流嘉福俾寧萬邦無思不服

武后享清廟樂章十首

建清廟替玄功擇吉日展禋宗樂已變禮方崇望神



唐詩類苑 卷之十一 禮部 十一 禮部

駕降仙宮

隆周創業寶命惟新敬宗茂典爰表虔禋聲明已備  
文物斯陳肅容如在懇志方申

肅敷大禮上謁尊靈敬申筐幣載表丹誠

敬奠蘋藻式罄虔襟潔誠斯展佇降靈歆

爰陳玉醴式奠瓊漿靈心有穆介福無疆

帝圖草創王業初開功高佐命業贊雲雷

赫赫玄功被穹壤皇皇至德洽生靈開基撥亂妖氛

廓佐命宣威海內清

荷恩承顧託執契恭臨撫廟畧靜邊荒天兵耀神武

又

登歌已闋獻禮方周欽承景福肅奉鴻休

大禮言畢仙衛將歸莫申丹懇空瞻紫微

李舒讓皇帝廟樂章六首

皇矣天宗德先王季因心則友克讓以位爰命有司

式遵前志神其降靈昭饗祀事

惟帝時若去而上仙祀用商武樂備宮懸白壁加薦

玄纁告虔子孫拜後承茲吉蠲

祀盛體薦禮協筮盛方周假廟川魯純牲捧撤祗敬

擊拊和鳴受釐歸胙既戒而平

唐詩類苑 卷之十一 禮部 十一 禮部



八音具舉三壽既盟絜茲宗彝瑟彼圭瓚蘭肴重錯  
椒醕飄散降昨維城永爲藩翰

秩禮有序和音既同九儀不忒三揖將終孝感藩后  
相維辟公四時之典永永無窮

奠獻已事昏昕載分風搖雨散灵衛網緼龍駕帝服  
上騰五雲泮宮復闕寂寞無聞

李舒德明興聖廟樂章七首

元尊九德佐堯光宅烈祖太宗方周作伯響懷霜露  
樂變金石白雲清風髮髯來格

四時有典百祀來祭尊祖奉宗嚴禋大帝禮先蒼璧

奠備黜制于斯萬年熙成帝系

盛牲實俎涓選休成鼎燧陽燧王盥陰精有飶嘉豆  
既和大羹侑以清樂細齊人情

清廟奕奕和樂雍雍雍器尊犧象禮屬宗公白水方裸  
黃流在中謨明之德萬古清風

闕宮靜謐合樂周張泰尊始獻百末重觴震澹存誠  
庶幾迪嘗遙源之祚入漢灵長

惟清惟肅靡聞靡見舉備九成俛終三獻慶彰曼壽  
昨撤嘉薦瘞玉埋牲禮神斯徧

元清回復靈貺繁滋風灑蘭路雲搖桂旗高丘緬邈



涼部透遲瞻望靡及纏綿永思

昭德皇后廟樂章九首

穆清廟薦嚴禋昭禮備和樂新望靈光集元辰祚無極享萬春

誠心達娛樂分升蕭管鬱氛氲茅旣縮鬯旣薰後來思福如雲

我將我享盡明而誠載芬黍稷載滌犧牲懿矣元良萬邦以貞心乎愛敬若睹容聲

於穆先后儼聖稱崇毋臨萬宇道被六宮昌時協慶理內成功殷薦明德傳芳國風

工祝致告徽音不遐酒醴咸旨馨香具嘉受釐獻祉永慶邦家

金枝羽部輟清歌瑤臺肅穆笙磬羅諧音遍響合明意萬類昭融爰應多

辰位列四星帝功參十亂進賢勤內輔扈蹕清多難承天厚載均並曜宵光燦晉徽藹前躅萬古披圖煥又

公尸旣起享禮載終稱歌進撤盡敬由衷澤流惠下大小咸同

昭事終幽享餘移月御返僊居璇庭寂靈幄虛顧徘徊



徊感皇儲

儀坤廟樂章十二首

猗若清廟肅七熒熒國薦嚴祀坤興淑灵有几在室  
有樂在庭臨茲孝享百祿惟寧

陰靈効祉軒曜降精祥符淑氣慶集柔明瑤俎既列  
雕桐發聲徽猷永遠比德呈英

孝哉我后冲乎迺聖道映重華德輝文命慕深視篋  
情殷撫鏡萬國移風兆人承慶

裸主既濯鬱鬯既陳晝羃雲舉黃流玉醇儀克獻酌  
禮盛衆裡地察惟孝愉焉饗親

酌鬱既灌取蕭方藝籩豆靜嘉簋簋芬飴魚腊薦美  
牲牲表絜是戢是將載迎載列

陽靈配德陰鬼昭升堯壇鳳下漢室龍興俛天作對  
前旒是疑化行南國道盛西陵造舟集灌無德而稱  
我粢既絜我醴既澄陰七靈廟光靈若憑德馨惟饗  
孝思烝烝

乾道既亨坤元以貞肅雍攸在輔佐斯成外睦九族  
內光一庭克生獻哲祚我休明欽若徽範悠哉淑靈  
建茲清宮于彼上京縮茅以獻絜秬惟馨實受其福  
期乎億齡



唐詩類苑 卷之十一 禮部 四 於穆清廟肅雍嚴祀合福受釐介以繁祉

送文迎武遞參差一始一終光聖儀四海生人歌有慶千齡孝享肅無虧

妙筭申帷幄神謀出廟庭兩階文物備七德武功成校獵長楊苑屯軍細柳營將軍獻凱入歌舞溢重城

又

孝享云畢維撤有章雲感玄羽風悽素商瞻望神座祇恋匪遑禮終樂闋肅雍鏘鏘闕宮實實清廟微微降格無象馨香有依式昭纂慶方融嗣徽明禋是亨神保聿歸

儀坤廟舊樂章二首

月灵降德坤元授光娥英比秀任姒均芳瑤臺薦祉金星延祥迎神有樂歆此嘉蕪

玉帛儀大金絲奏廣靈應有孚冥徵不爽降彼休福假茲禋享送樂有章神麾其上

武氏享先廟樂章一首

先德謙撝冠昔嚴規節素超今奉國忠誠每竭承家至孝純深追崇惧乖尊意顯號恐玷徽音既迫王公屢請方乃俯遂群心有限無由展敬奠醑每闕親斟大禮虔申典冊蘋藻敬薦翹襟



唐詩卷之十一 禮部 十五 常氏褒德廟樂章五首

道赫梧宮悲盈萬里爰暢徽烈載敷嘉祀享洽四時  
規陳二簋靈應昭格神其戾止

墮山懿戚媯汭崇姻祠筵肇啓祭典方申禮以備物  
樂以感神用隆敦叙載穆彝倫

家著累仁門昭積善璫篚既列金縣式展

昭七竹罌開奕上蘭宮啓懿範隆丹掖殊榮闢朱邸

六佾薦徽容二簋陳芳醴萬石輦貽厥分珪崇祖禰

又

名隆五岳秩映三台嚴祀已備睟影方迴

享隱太子廟樂章五首

道闕鶴關連纏鳩里門集大命俾歆嘉祀禮亞六瑚

誠殫二簋有誠顯若神斯戾止

歲肇春宗乾開震長璫山既寂矣園斯享王肅其事

物昭其象絃誦成風笙歌合響

明典肅陳神岳邃起春伯聯事秋官相禮有來雍七

登歌濟濟緬惟主鬯庶歆芳醴

三縣已判歌鐘列六佾將開羽戚分尚想燕飛來蔽

日終疑鶴影降凌雲

天步昔將開商郊初欲踐撫戎金陣廓貳極璫圖闡



鷄戟遂威儀龍樓期好善弄兵隳震業啓聖隆詞典

享隱太子廟舊樂章二首

蒼震有位黃離蔽明江充禍結戾據灾成術冤昔痛  
贈典今榮享灵有秩奉柴以迎

皇情悼往祀議增設鐘鼓鏗錚羽旄昭晰掌禮云備  
司筵告撤樂以送神灵其鑒闕

徐彥伯送特進李嶠入都祔廟一首

特進三公下台臣百揆先孝圖開寢右祠坐上牲筵  
恩急青綸賜徂裝紫橐懸綢繆金鼎席晏餞玉璜川  
北斗分征路東山起贈篇樂池歌綠藻榮苑籍紅笏

騎轉商巖日旌搖闕塞烟廟堂須鯁議錦節佇來旋

長洲毛文蔚約孫同校



唐詩類苑第三十一卷終

湖神商嶽日致銜關塞因厚堂夙驗蕭齡

唐詩類苑第三十二卷

仁和卓明卿澂父編輯

華亭張之象玄超

長洲毛文蔚豹孫同校

禮部

祭祀

祈穀樂章三首

履艮斯繩居中體正龍運垂祉昭符啓聖式事嚴禋  
聿懷嘉慶惟帝永錫時皇休命

殷薦乘春太壇臨曙八簋盈和六瑚登御嘉稷匪歆



唐詩卷之二十一 禮部  
德馨斯飫祝嘏無易靈心有豫

玉帛犧牲中嘉享金絲戚羽盛音容庶俾億齡從景  
福長欣萬宇洽時邕

褚亮作雩祀樂章三首

朱鳥開辰蒼龍啓應大帝昭饗群生展敬禮備懷柔  
功宣舞詠句液應序年祥協慶

紆筵分彩璫圖吐絢鳳管長凝雲歌曉轉肅事蘭羞  
虔申桂奠百穀斯登萬箱攸薦

鳳曲登歌調令序龍雩集舞泛祥風綵旒雲迴昭睿  
德朱干電發表神功

雩祀舊樂章二首

鳥緯遷序龍星見辰純陽在律明德崇禋五方降帝  
萬宇安人恭以致享肅以迎神

祀遵經設享緣誠舉獻畢干樽撒臨于俎舞止于戚  
樂停祝啟歌以送神七還其所

朝日樂章三首

惟聖格天惟明饗日帝郊肆類王宮戒吉珪奠春舒  
鍾歌曉溢禮云克備斯文有秩

晨儀式薦明祀惟光神物爰止靈暉載揚玄端肅事  
紫帷興祥福履攸假於昭允王



崇牙樹羽廷調露旋宮扣律掩承雲誕敷懿德昭神  
武載集豐功表睿文

朝日樂章又二首

太陽朝序王宮有儀蟠桃彩駕夕柳光馳軒祥表合  
漢曆彰奇禮和樂備神其降斯  
五齊兼酌百羞具陳樂終廣奏禮畢崇禋明鑑萬寓  
照臨兆人永流洪慶式動曦輪

夕月樂章三首

測妙爲通神微日聖坎祀貽則郊禋展敬辟薦登光  
金歌動映以載嘉德以流曾慶

肅晨爭舉天宗禮闕夜典恭秋陰明湛夕有醑斯旨  
有牲斯碩穆乚其暉穰乚是積  
合吹八風金奏動分容萬舞玉鞘驚詞昭儀典光前  
烈夕曜乘功表盛明

蜡百神樂章三首

序迫歲陰日躔星紀爰稽茂典聿宗清祀綺幣霞舒  
瑞珪虹起百靈垂裕萬方受祉  
緹籥動序玄英挽候姬蜡開儀幽歌人奏蕙馥彫俎  
蘭芬玉酎大亨明祗末綏多祐  
經緯兩儀文化洽削平方域武功成璫絃自樂乾坤



唐詩卷之二十一 禮部  
泰王戚長歡區宇寧

蜡百神舊樂章二首

八蜡開祭萬物合祀上極天維下窮神紀俎俎流芬  
尊彝薦美有靈有祇咸希來正

十旬歡洽一日祀終澄彝拂俎報德酬功慮虔容肅  
禮緝儀豐神其降祉整馭隨風

祀九宮貴神樂章十五首

於昭上穹臨下有光羽翼互佐周流入荒誰其饗之  
時文對敷虞經夏典茲禮未遑

黑帝旋馭青躔導日金籙上玄王堂初吉鈞陳夕次

鑾和先蹕藹七群靈昭七咸秩

帝臨中壇受釐元神皇靈萃止羽旄肅陳攝提運衡  
招搖移輪光七宇宙電耀雷震

夜如何其明星煌七天清容衛露結壇塲樹羽幢七  
佩玉鏘七凝精駐目瞻望神光

九位既肅萬靈畢會天門啓扃日御飛蓋煥兮琴離  
儼兮暗霽如山之福惟聖時對

崇崇泰壇靈具臨兮鏗錫大樂振動心兮神之降矣  
卿雲郁兮神之至止清風肅兮

帝在靈壇大明登光天回雲粹穆穆呈七今奏九夏



圭陳八蕪曠哉動植如熙春陽

歌土既奏神位既秩天符衆星運行太一聲和十管

氣應中律肅肅明庭介茲元吉

俎豆有踐黃流在罇九宮之祀三代莫存樂變六宮

壇開八門聖皇昭對祐我黎元

時文哲后肅事嚴禋馨我明德饗我貴神大庖載盈

旨酒既醇精意所屬期于利人

祀既云畢明灵告旋禮洽和應福至神虔動植咸若

陰陽不愆錫茲祝嘏天子萬年

羽籥既闋千戚陳八音克諧六變新愉貴神兮般以

樂保皇祚兮萬斯春

盛德陳萬舞威稜暢九垓風雲交律候日月麗昭回

行慶休祥發乘和春氣來百神肅臨享蕩七天門開

又

精意嚴恭明祀豐潔獻酬既備俎豆斯撤日麗天儀

風和樂節事光祀典福覃有截

享申百禮慶洽百靈上排闥闔洞入杳冥奠玉高壇

燔柴廣庭神之降福萬國咸寧

張九齡奉和聖製燭龍齋祭一首

上帝臨下鑒亦有光孰云陰隲惟聖克彰六月徂暑



唐詩類苑 卷之三十一 禮部 三十一 宋之問景龍四年春祠海一首  
四郊信陽我后其勤告于壇場精意允益群靈鼓舞  
蔚兮朝雲霈然時雨七我原田亦既有年燭龍煌七  
明宗報祀于以助之天人帝子聞詩有訓國風茲始  
宋之問景龍四年春祠海一首

肅事祠春演宵齋洗蒙慮雜鳴見日出鷺下驚濤鷺  
地闊八荒近天廻百川注筵端接空曲目外唯雰霧  
暖氣物象來周遊晦明互致牲匪玄享禋滌期靈煦  
的的波際禽云云鳥間樹安期今何在方丈茂尋路  
山事與世隔其搜徒已屢四明北羣山遺老莫辨處  
撫中良自慨弱齡忝恩遇三入文史林兩拜神僊署

雖歎出關遠始知臨海趣賞來空自多理勝孰能喻  
留楫竟何待徙倚忽云暮

元結演興四首有序

商餘山有太靈古祠傳云秦龍氏祠大帝所立  
祠在少餘西乳之下邑人脩之以祈田予因爲  
招祠訟之文以演興辭曰

招太靈

招太靈兮山之顛山屹岬兮水淪漣祠之瀨兮眇何  
年木脩七兮草鮮七嗟魑魅兮淫厲自古昔兮崇祭  
禧太靈兮端清予願致夫精誠久懈兮恍恍招拮櫛



兮呼風風之聲兮起颺颺吹玄雲兮散而浮望太灵  
兮儼而安澹油溶兮都清閑

初祀

山之乳兮葺太祠木孫爲楠兮木母榱雲纓爲相兮  
愚木栴桐淵禪兮揭巍巍塗水蘭兮蒔糝焉被弱草  
兮禘祫聯佗渾洪兮馥闐闐管化石兮洞剝天超脩  
鈿兮棹蕪爰靈巫譟兮舞顛干薦天鱗兮酒陽泉獻  
水芸兮飯霜杣與太靈兮千萬年

訟木魅

登高峯兮俯幽谷心悸悴兮念群木見樗栲兮相陰

覆憐棖榕兮不豐茂見榛梗之森梢閔樅樞兮合蠹  
楮橈匕兮未堅棉根匕兮可屈榕林樽兮不香板丰  
茸兮已實豈元化之不均兮非雨露之徧珠諒理性  
之不等于順兮不如瘞吾心以冥想終念此兮不怡  
怡予莫識天地之意兮願截惡木之根傾梟橈之古  
巢取童以爲薪割大木使飛焰篋枯腐之燒焚實非  
古心之不仁惠也豈耻夫善惡之相紛且欲畚三河  
之膏壤裨濟水之清漣將封灌乎善木令櫛匕以挺  
砥尚畏乎衆善之末茂兮爲衆惡之所撓凌思聚義  
以爲曹令敷扶以相勝取方所以柯如兮吾將出于



南荒求壽藤與燔本吾將出于東方祈有德而來歸  
輔神檀與堅香且憂顯之翻也又愁嶽之奔馳及陰  
陽兮不和惡此土之失時今神檀兮不茂使堅香兮  
不滋重嗟惋兮何補每齋心以精意切援祝于神明  
冀感通于天地猶恐衆妖兮木魅魍魎兮山精上誤  
惑于靈心經給于言兮不听敢引佩以指水誓吾心  
兮自明

閔嶺中

仰羣山以延想吾獨閔乎嶺中彼嶺中兮何有有天  
舍之玉峯殊閔絕之極顛上聞產乎翠茸欲採之以

將壽眇不知夫所從大淵蘊也兮絕棧岌也非梯梁  
以通險當無路兮可入彼猛毒兮曹聚必憑託乎阻  
脩常儼也兮伺人又如何兮不愁彼妖精兮變恠必  
假見于風雨常閃也而伺人又何如兮不苦欲仗仁  
兮託信將徑往兮不難久懷也悽惋却遲迴而未  
歎懼太靈兮不知以予心爲未剛若不可乎遂已吾  
終保夫直方則必蒙皮篋以爲矢絃毋筱以爲孤化  
毒銅以爲戟刺棘竹以爲矢得猛烈之材獲與之而  
並驅且春刺乎惡毒又引射夫妖恠盡群類兮使無  
令善人兮不害然後採椶榕以駕深叢樅櫨兮梯險



躋予身之飄七承予步之踈七入岭中而登玉峰極  
闕絕而求翠茸將吾壽兮隨所從思未得兮馬如龍  
獨翳蔽于山顛久低回而慍瘵空仰訟于上玄彼至  
精兮必應寧古有而今無將與身而皆亡豈言之而  
已乎

王維漁山神女祠歌二首

迎神曲

坎七擊鼓魚山之下吹洞簫望極浦女巫巫進紛屢舞  
陳瑤席湛清醕風淒七兮夜雨神之來兮不來使我  
心兮苦復苦

送神曲

紛進拜兮堂前目眷七兮瓊筵來不語兮意不傳作  
暮雨兮愁空山悲急管思繁絃靈之駕兮儼欲旋倏  
雲收兮雨歇山青七兮水潺湲

王維涼州賽神一首

涼州城外少行人百尺峯頭望虜塵健兒擊鼓吹羗  
笛共賽城東越騎神

玄宗經魯祭孔子一首

夫子何為者栖七一代中地由鄒氏邑宅即魯王宮  
嘆鳳嗟身否傷麟怨道窮今看兩楹真當與夢時同



唐詩類苑 卷之三十一 禮部 八 崧齋題本

張說奉和聖製經魯祭孔子應制一首

孔聖家鄒魯儒風藹典墳龍驂迴舊宅鳳德詠餘芬  
入室人如在升堂樂似聞懸知二王法今日待明君

張九齡奉和聖製經魯祭孔子應製一首

丘門泰山下不見登封時昔有先王法今為明主思  
加萬乘幸禮制一牢祠舊宅千年外光華空在茲

釋奠

釋奠文宣王樂章四首

聖道日用神機不測金石以陳絃歌載陟爰釋其萊  
匪馨于稷來碩來享是宗是極

粵惟上聖有縱自大傍周萬物俯應千年舊章允著

嘉贊孔虔王化茲首儒風是宣

堂獻瑤篚庭敷璆縣禮脩其容樂和其變肅七觀享

雍七執奠明禮惟馨蘋蘩可薦

集七龜開昭聖列龍躡鳳跼肅神儀尊儒敬業宏圖

闡緯武經文盛德施

享孔子廟舊樂章二首

通吳表聖問老探真三千弟子五百賢人德齡規法  
萬載祠裡潔誠以祭奏樂迎神

醴溢犧象著陳俎豆曾璧穎聞泗川如觀里校覃福

唐詩類苑 卷之三十一 禮部 十



曹筵承祐雅樂清音送神具奏

釋奠武成王樂章五首

卜畋不從兆發非熊乃傾荒政爰佐一戎盛烈載垂  
命祀維崇日練上戊宿嚴闕宮迎奏嘉至感而遂通

又

管磬升羶蕪集上公進嘉幣執信以通僂如及恢帝  
功錫后邑四維張百度立綿億載觀難挹

五齊絜九牢碩椀際循壘竿滌進具物揚鴻績和奏  
發高灵寂虔告終繁祉錫昭秩祀永無易

貳觴以獻三變其終願此非馨尚達斯衷茅縮可致

神歆載融始神翊周拯溺除凶時維降祐永絕興戎

又

明祀方終備樂斯闋黜纁就瘞豆籩告徹盼蠻尚餘

光景云滅返歸虛極神心則悅

封禪

玄宗封太山祀天樂章十首

款泰壇柴泰清受天命報天成竦皇心薦樂聲志上  
達歌下迎

億上帝臨下庭騎日月陪列星嘉視信大禋馨澹神  
心醉皇灵



相百辟貢八荒九歌叙萬舞翔肅振振鏗皇皇帝欣  
欣福穰穰

高在上道光明物資始德難名承眷命牧蒼生寰宇  
謐太階平

天道無親至誠與鄰山川遍禮宮徵惟親玉帛非盛  
聰明會真正斯一德通乎百神

饗帝饗親維孝維聖緝熙懿德敷揚成命華夷同志  
笙鏞禮盛明灵降止感此誠敬

孝敬中發和容外彰騰華照寓如昇太陽貞璧就奠  
玄灵垂光禮樂具舉濟上洋洋

奠祖配天承天享帝百靈咸秩四海來祭植我蒼壁  
布我玄製華日徘徊神煙容裔

烝乚我后享獻惟彘躬酌鬱鬯跪奠明神孝莫孝乎  
配上帝親敬莫敬乎教天下臣

皇祖嚴配享皇天皇降嘏天子萬年

六鐘翕協六變成八佾倘佯八風生樂九叙兮人神  
感美七德兮天地清

禮樂終煙燎上懷灵惠結皇想歸風疾迴風爽百神  
來衆神往

玄宗禪社首山祭地祇樂章八首



至哉含柔德萬物資以生常順稱厚載流謙通變盈  
聖心事能察增廣陳厥誠黃祇儻如在泰折侯咸亨

又

肅我成命於昭黃祇裘冕而祀陟降在斯五音克備  
八音聿施緝熙肆靖厥心匪離

黃祇是祇我其夙夜夤畏誠潔匪皇寧舍禮以琮玉  
薦厥茅藉念茲降康胡寧克假

夙夜宥密不敢寧宴五齊既陳八音在縣粢盛以潔  
房俎斯薦惟德惟馨向茲克徧

惟以明發有懷載殷樂盈而及禮順其禋立清以獻

薦欲是親於穆不已哀對斯臻

穆也天子告成岱宗大裘如濡執珽有顒樂以平志

禮以和容上帝臨我云胡肅邕

昭也上唐天俾萬國列祖應命四宗順則申錫無疆

宗我同德曾孫繼緒享神配極

靈其醉杳熙也靈將往眇視也頌明德吐正辭爛滢

光流禎祺

李義府在雋州遙叙封禪一首

天齊標巨鎮日觀啓崇祠峽臨渤澥隱嶙控河湄  
遐迥分吳乘凌高屬漢祠建岳誠爲長升功諒在茲



帝猷符廣運玄範暢文思飛聲總地絡載化撫乾維  
瑞策開珎鳳禎圖薦寶龜創封超昔夏俯禪掩前姬  
東后方肆覲西都道六師反駕移星苑揚罕馭風司  
沸鼓喧平陸凝蹕靜通達汶陽馳月羽蒙陰警電輜  
崑花飄曙輦峯葉蕩春旗石閭環藻衛金壇映黼帷  
仙階溢秬黍靈檢燿祥芝三始貽遐域萬歲壽重釐  
非質陶恩獎趨迹奉軒墀觸網淪幽裔乘徼限明時  
周南昔已嘆邛西今復悲

張諤東封山下宴群臣一首

萬里扈封盜群公遇此歡幔城連夜靜霜仗滿空寒

輦路宵牲合旌門曉月殘明朝陪聖主山下禮圓壇

明堂

褚亮季秋享上帝于明堂樂章三首

象天御宇乘時布政嚴配中虔宗禋展敬罇壘盈列  
樹羽交映玉帛通誠祚隆皇聖

八牖晨披五精朝奠露凝璇籥風泊金縣神滌備全  
明粢豐衍載結彝俎陳誠以薦

御袞合宮承寶曆席圖重館奉明靈偃武脩文九圍  
泰沉烽靜柝八荒寧

武后明堂樂章十一首



唐詩類苑 卷之二十一 禮部  
總章陳昔典衢宰禮惟神宏規則天地神用叶陶鈞  
負展三春且充庭萬宇賓顧已誠虎薄空慙億兆人

又

仰膺曆數俯順謳歌遠安邇肅俗阜時和化光玉鏡  
訟息金科方典禮永戢干戈

至人光俗大孝通神謙以表性恭惟立身洪規載啓  
茂典方陳齊隆三善祥開萬春

千官肅事萬國朝宗載延百辟彛集三宮君臣德合  
魚水斯同睿圖方永周曆長隆

禮崇宗祀志表嚴禋笙鏞合奏文物惟新敬遵茂典

敢擇良辰絜誠斯著奠謁方申

笙鏞間玉宇文物昭清暉晬影臨芳奠休光下太微  
孝思期有感明絜庶無違

履良包群望居中冠百灵萬方資廣運庶品荷財成  
神功諒匪測盛德實難名藻奠申誠敬恭祀表惟馨

又

出震位開平秩扇條風乘甲乙龍德盛烏星出薦珪  
龍陳誠實

赫也離精御炎陸滔也熾景開隆暑冀延神鑒俯蘭  
樽式表虔襟陳桂俎



律中夷則序應收成功宜建武義表惟明爰申禮奠  
庶展翹誠九秋是式百穀斯盈

葭律肇啓隆冬蘊藻攸陳饗祭黃鐘旣陳玉燭紅粒  
方殷稔歲

崔曙奉試明堂火珠一首

正位開重屋凌空出火珠夜來雙月滿曙後一星孤  
天淨光難滅雲生望欲無遙知太平代國寶在名都

唐詩類苑第三十二卷終

唐詩類苑第三十二卷

仁和卓明卿澂父編輯

華亭張之象玄超

長洲毛文蔚豹孫同校

禮部

巡幸

太宗辛武功慶善宮賦一首

壽丘唯舊跡豐邑乃前基粵予承累聖縣孤亦在茲  
弱齡逢運改提劍鬱匡時指麾八荒定懷柔萬國夷  
梯山盛入款駕海亦來思單于陪武帳日逐衛文螭



唐詩類苑 卷之十一 雜詩  
端袞朝四岳無爲任百司霜節明秋景輕冰結水涓  
芸黃遍原隰禾穎積京坻共樂還鄉宴歡此大風詩

太宗重華武功一首

代馬依朔吹驚禽愁昔叢况茲承睿德懷舊感深衷  
積善忻餘慶暢武閱神功垂衣天下治端拱車書同  
白水巡前跡丹陵幸舊宮列筵懽故老高宴聚新豐  
駐驂撫田畷廻輿訪牧童瑞氣縈丹闕祥烟散碧空  
孤嶼含霜白遙山帶日紅於焉歡擊筑聊以詠南風

太宗於北平作一首

翠野駐戎軒盧龍轉征旆遙山麗如綺長流縈似帶

海氣百重樓巖松千丈蓋茲焉可遊賞何必襄城外

虞世南奉和長春宮應令一首

瑤山盛風樂南巡務逸遊如何事巡撫人瘼諒斯求  
文鶴輕芝蓋蒼龍飾桂舟汎沫縈沙嶺寒漸擁急流  
路指入仙館途經百尺樓眷言昔遊踐廻駕且淹留  
後車喧鳳吹前旌映綵旒龍驂駐六馬飛閣上三休  
調諧金石奏歡洽羽觴浮天文徒可仰何以廁琳球

虞世南奉和幸江都應詔一首

南國行周化稽山秘夏圖百王登殊軌千載叶前謨  
肆覲遵時豫順動悅來蘇安流泛玉軸戒道翼金吾



龍旗煥辰象鳳吹溢川塗封唐昔敷錫分陝被荆吳  
沐道咸知讓導儀允美都多律初飛管陽鴈正啣蘆  
巖飆肅林薄暖景淡江湖鴻思浹幽遠厚澤潤凋枯  
虞琴起歌詠漢筑動巴渝多幸沾行葦無庸類散樗

李白上皇西巡南京歌十首

胡塵輕拂建章臺聖主西巡蜀道來劔壁門高九千  
丈石爲樓閣九天開

九天開出一成都萬戶千門入畫圖草樹雲山如錦  
繡秦川得及此開無

華陽春樹似新豐行人新都若舊宮柳色未饒秦地

綠花光不減上陽紅

誰道君家行路難六龍西幸萬人歡地轉錦江成渭  
水天迴玉壘作長安

萬國同風共一時錦江何謝曲江池石鏡更明天上  
月後宮親得照娥眉

濯錦清江萬里流雲帆龍舸下揚州北地爭誇上林  
苑南京還有散花樓

錦水東流繞錦城星樓北挂象天星四海此中朝聖  
主娥眉山上列仙庭

秦開蜀道置金牛漢水元通星漢流天子一行遺聖



唐詩卷之十三 禮部  
跡錦城長作帝王州

水綠天清不染塵  
風光和暖勝三秦  
萬國煙花隨玉輦  
西來添得錦江春

劔閣重開蜀北門  
上皇歸馬若雲屯  
少帝長安開紫極  
雙懸日月照乾坤

宋之問駕出長安一首

聖德超千古  
皇風翊九圍  
天迴萬象出  
駕動六龍飛  
淑氣來黃道  
祥雲覆紫微  
太平多彙從  
文物有光輝

玄宗幸蜀西至劔門一首

劔閣橫雲峻  
鑿輿出狩回  
翠屏千仞合  
丹嶂五丁開

灌木榮旗轉  
仙雲拂馬來  
乘時方在德  
嗟尔勒銘才

玄宗途次陝州一首

境出三秦外  
途分二陝中  
山川入虞虢  
風俗限西東  
樹古棠陰在  
耕餘讓畔空  
鳴笳從此去  
行見洛陽宮

張說奉和聖製途次陝州應制一首

周召棠分陝  
詩書空復傳  
何知萬乘睠  
追賞二南篇  
郡帶洪河側  
宮臨大道邊  
洛城將日近  
佳氣滿山川

張九齡奉和聖製初出洛城一首

東土淹龍駕  
西人望翠華  
山川非徇物  
宮觀豈爲家  
十月迴星斗  
千官捧日車  
洛陽無怨思  
巡幸更非賒



唐詩苑 卷之十三 禮部 四 張九齡奉和聖製次瓊岳應制一首

山祗亦望幸雲雨見靈心岳館逢朝霽闕門解宿陰  
咸京天上近清渭日邊臨我武因冬狩何言是即禽  
常濟奉和聖製次瓊岳應制一首

陸海披晴雪千旗獵早陽岳臨秦路險河遠漢垣長  
行漏通鳩鵲離宮接建章都門信宿近歌舞從周王  
李林甫奉和聖製次瓊岳應制一首

東幸從人望西巡順物迴雲收二華出天轉五星來  
十月農初罷三驅禮復開更看瓊岳上佳氣接神臺  
盧象雋幸溫泉一首

傳聞聖主幸新豐清蹕鳴鑾出禁中細草終朝隨步  
輦垂楊幾處繞行宮千官扈從鸚山北萬國來朝渭  
水東此日小臣從獻賦漢家誰復重楊雄

宋璟蒲津迎駕一首

回銮下蒲阪飛旆指秦京洛上黃雲送闕中紫氣迎  
霞朝看馬色月曉听鷄鳴防拒連山險長橋壓水平  
省方知化洽察俗覺時清天下長無事空餘襟帶名  
玄宗幸鳳湯泉一首

西狩觀周俗南山歷漢宮薦鮮知路近省斂覺年豐  
陰谷含神爨湯泉養聖功益齡先井合愈疾醴源通



唐詩類苑 卷之二十三 禮部 五 宋齊周本

不重鳴岐鳳誰矜陳寶雄願將無限澤沾沐衆心同  
張說奉和聖製幸鳳湯泉應制一首

周狩因岐禮秦都辨雍名獻禽天子孝存志聖皇情  
溫潤宜冬幸游畋樂歲成湯雲出水殿暖氣入山營  
坎意無私結乾心稱物平帝歌流樂府溪谷也增榮

李白上之回一首

三十六離宮樓臺與天通閣道步行月素人愁烟空  
恩疎寵不及桃李傷春風淫樂意何極金輿向回中  
萬乘出黃道千旌揚彩虹刑軍細柳北後騎甘泉東  
豈問渭川老寧邀襄野童但慕瑤池宴歸來樂無窮

陳子良上之回一首

承平重遊樂詔蹕上之回屬車響流水清笳轉落梅  
嶺雲蓋道轉巖花映綬開下輦便高宴何如在瑤臺

沈佺期上之回一首

制書下関右天子問回中壇墠經過遠威儀侍從雄  
黃麾搖晝日青幟曳松風迴望耳泉道龍山隱漢宮

盧照隣上之回一首

田中道路險蕭関烽候多五營屯右地萬乘出西河  
單于拜玉璽天子接雕戈振旅汾川曲秋風橫大歌

扈從

唐詩類苑 卷之二十三 禮部 六 宋齊周本



唐詩卷之十三 沈佺期辛丑歲十月上幸長安時扈從出西

嶽一首

西鎮何穹崇壯哉信靈造諸嶺皆峻秀中峯特美好  
傍見巨掌存勢如石東倒頗聞首陽去開拓此河道  
磅礴壓河源魏峨壯清昊雲泉紛亂瀑天磴屹宏抱  
予先呼其顛宮女世不老下有府君庙歷載傳灑掃  
明星應天遊十月成豐鎬微末忝扈從兼得事蘋藻  
宿心愛此山意欲拾靈草陰壑已冰閉雲竇絕探討  
芬月期來過迴策思方浩

李嶠扈從還洛呈侍從群官一首

四海帝王家兩都周漢室觀風昔來幸御氣今旋蹕  
雷奮六合開天行萬乘出玄冥奉時駕白矩參戎律  
後隊咽笳聲前驅嚴罕蹕輝光射東井禁令橫西秩  
帳殿別陽春旌門臨甲乙將交洛城雨稍遠長安日  
印鞞雲外來咸秦霧中失孟冬霜霰下是日農功畢  
天道向歸餘皇情美陰隲行存名嶽禮迺問高年疾  
祝鳥旣開羅詞人更張瑟登源采謳誦俯谷求才術  
邑罕懸磬貧山無掛瓢逸施恩浹寰宇褒義該文質  
德澤盛軒游哀矜深禹恤申歌地廬駭獻壽衢樽溢  
瑞色抱氤氳寒光變蕭瑟宗枝旦奭輔侍從十劉疋



唐詩卷之二十一 雜詩  
七  
並緝蛟龍書同簪鳳凰筆陶甄荷吹萬頌歎歸明一  
歡與道路長顧隨談笑密叨承廊廟選繆齒夔龍弼  
喜構大厦成慚非隆棟吉

李嶠和周記室從駕時發合璧宮一首

濯龍春苑曙翠曉鳳旗舒野色開烟後山光澹月餘  
風長笳響咽川迴駟行踈珠履陪仙駕金聲振屬車

蕭華侍從迴銮應制一首

粵在秦京口議平封禪難豈知陶唐王道濟蒼生安  
惟彼烈祖事增脩寡榮觀聲名朝萬國王帛禮三壇  
纂聖德重光建元功載刊仍開舊馳道不記昔迴鑾

羽騎搖晴日弓戈生早寒猶思檢玉處却望白雲端

宋之問扈從登封告成頌一首

複道開行殿鈎陳列禁兵和風吹鼓角佳氣動旌旗  
後騎回天苑前山入御營萬方俱下拜相與樂昇平

宋之問扈從登封途中一首

帳殿鬱崔嵬仙遊實壯哉曉雲連暮捲夜火雜星回  
谷暗千旗出山鳴萬乘來扈從良可賦終乏揆天材

祖詠扈從御宿池一首

若玉既巡狩輦路入秦京遠樹低槍壘孤山入幔城  
寒踈清禁漏夜警羽林兵誰念迷方客長懷魏闕情



唐詩苑 卷之十三 雜詩 八  
閻朝隱侍從途中口號應制一首

疵賤出山東忠貞任土風因敷河朔藻得奉洛陽宮  
一碩侍御史再碩給事中常願粉肌骨特答造化功

徐安貞侍從遊溫泉宮一首

神女調溫液年年侍聖人試開臨水殿來洗羈車塵  
暖氣隨明主恩波浹近臣靈威自無極從此獻千春

李白侍從遊溫泉宮一首

羽林十二將羅列應星文霜仗懸秋月霓旌卷夜雲  
巖更千戶肅清樂九天開日出瞻佳氣葱葱繞聖君

李白溫泉侍從歸逢故人一首

漢帝長楊苑誇胡羽獵歸子雲叨侍從獻賦有光輝  
激賞擢天筆承恩賜御衣逢君奏明主他日共翻飛  
蘇頲扈從鄠杜間奉呈刑部尚書舅崔黃門

馬常侍一首

翠輦紅旗出帝京長楊鄠杜昔知名雲山一一皆  
美竹樹蕭蕭畫不成羽騎將過持袂拂香車欲渡捲  
簾行漢家曾草巡遊賦何似今來應聖明

張說扈從溫泉宮獻詩一首

溫泉啓蟄地氛氲渭浦歸鴻日數羣騎仗聯聯環北  
極鳴笳步步引南薰松開彩殿籠佳氣山上朱旗繞



瑞雲不知遠，夢華胥國何如親。奉帝堯君。

蔡希周奉和扈從溫泉宮承恩賜浴一首

天行雲從指驪宮浴，日餘波錫詔同彩殿。氤氳擁香溜，紗窓宛轉閉。和風來將蘭氣衝，皇澤去引星文捧。碧空自憐遇坎，便能止凡託仙查路未通。

虞世南追從鑾與夕頓戲下應令一首

重輪依紫極，前耀奉丹霄。天經戀辰袞，帝命苞仙鑣。乘星開鶴禁，帶月下虹橋。銀書含曉色，金輅轉晨飈。霧徹軒營近，塵暗斗城遙。蓮花分秀萼，竹箭下驚潮。撫已慚龍幹，承恩集鳳條。瑤山盛風樂，抽簡薦從誥。

盧照隣贈許左丞從駕萬年宮一首

聞道上之回，詔蹕下蓬萊。中樞移北斗，左轄去南臺。黃山聞鳳笛，清蹕侍龍媒。曳日朱旗卷，參雲金障開。朝參五城柳，夕宴栢梁材。漢時光如月，秦祠聽似雷。寂寂芸香閣，離思獨悠哉。

蘇頌扈從鳳泉和崔黃門喜恩旨鮮嚴罷園之作一首

輦路岐山曲，儲胥渭水涓。教成提將鼓，禮備植虞旗。不取從畋樂，先流去殺慈。舜韶同舞日，湯祝盡飛時。物應陽和施，人知雨露私。何如穆天子，七萃幾勞師。



張說扈從南出雀鼠谷一首

豫動三靈贊時巡四海威  
峽闕凌曙出平路伴春歸  
霍鎮迎雲蓋汾河送羽旂  
山南柳半密谷北草全稀  
遲日宜華蓋和風入袷衣  
上林千里近應見百花飛

玄宗答張說扈從南出雀鼠谷一首

雷出應乾象風行順國人  
川塗猶在晉車馬漸歸秦  
背硤關山險橫汾鼓吹震  
草依陽谷變花待北宮春  
聞有鷓鴣客清詞雅調新  
求音思欲報心跡竟難陳  
席豫奉和聖製答張說扈從南出雀鼠谷一

首

硤路遠河汾晴光拂曙氛  
笳吟中嶺樹仗入半峯雲  
頓覺山原盡平看邑里分  
早行芳草迥晚憇好風薰  
嘉頌推英宰春遊扈聖君  
共忻承睿渥日月照天文

裴光庭奉和聖製答張說扈從南出雀鼠谷

一首

省俗恩將遍巡方路稍迴  
寒隨汾谷盡春逐晉郊來  
雲騎傳行漏煙旄引從臺  
惠風初應律和氣正調梅  
雅頌通神味天文接曙台  
灞陵桃李色應待日華開  
張九齡奉和聖製答張說扈從南出雀鼠谷

一首



唐詩苑 卷之十三 雜詩 一  
林齋題本  
設險諸侯地承平聖主巡東君朝二月南旆擁三辰  
寒出重關盡年隨行漏新瑞雲叢捧日芳樹曲迎春  
舞詠先馳道恩華及從臣汾川花鳥意併奉屬車塵

宋璟奉和聖製答張說扈從南出雀鼠谷

一首

秦地雄西夏并州近北胡禹行山啓路舜在邑爲都  
忽視寒暄隔深思險易殊四時宗伯叙六義宰臣鋪  
徵作宮常懸星環日每紆盛哉隆合道良以致亨衢  
梁昇卿奉和聖製答張說扈從南出雀鼠谷

一首

何意重關道千年過聖皇幽林承惠澤閑客見清光  
日仙御途遠山灵壽域長寒雲入晉薄春樹隔汾香  
國佐同時雨天文屬歲陽從來漢家盛未若此巡方

蘇頲奉和聖製答張說扈從南出雀鼠谷一

首

兩施巡方罷雲從訓俗迴密途汾水衛清蹕晉郊陪  
寒着山邊盡春當日下來御祠玄鳥應仙仗綠楊開  
作頌音傳雅觀文色動台更知西響樂袞藻叶鹽梅

王丘奉和聖製答張說扈從南出雀鼠谷一首

襟帶三秦接旂常萬乘過陽源淑氣早陰谷沍寒多



花縵前郊仗霜嚴後殿戈戍雲開晉嶺江鴈入汾河  
北土分堯俗南風動舜歌一聞天樂唱共逐萬人和

趙冬曦奉和聖製荅張說扈從南出雀鼠谷

一首

軒轅應順動萬牧正趨陪道合殷爲弼時行楚有材  
省方西禮設振旅北方迴地理分中壤天文照上台  
寒依汾俗去春入晉郊來竊比康衢者長歌仰大哉

袁暉奉和聖製荅張說扈從南出雀鼠谷一

首

魏國山河險周王警蹕迴九旗雲際出萬騎谷中來

石路行將盡烟郊望忽開賞矜垂柳拂春畏落花催  
興逸橫汾體恩袞作頌才小臣瞻日月延首詠康哉

崔翹奉和聖製荅張說扈從南出雀鼠谷一

首

鳴鑾初幸代旋蓋欲橫分嶺盡千旗出郊平五桂分  
前林已暄景後壑尚寒氛風送簫韶曲花迎黼黻文  
鹽梅推上宰禮樂統中軍獻賦紆天札飄飄飛白雲

杜審言扈從出長安應制一首

分野都畿列時乘六御均京師舊西幸洛道此東巡  
文物驅三統聲明走百神龍旗榮涌夕鳳輦拂鈞陳



唐詩卷之十一 禮部 十三 卷齊周本  
撫迹也靈古游情皇鑒新山追散馬日水憶釣魚人  
禹食傳中使堯樽遍下臣省方稱國阜問道識風淳  
歲晚天行吉年豐景從親歡娛包歷代宇宙忽疑春

沈佺期扈從出長安應制一首

漢宅規模壯周都景命隆西賓讓東主法駕幸天中  
太史占星應春官奏日同旌門起長樂帳殿出新豐  
翕習黃山下紆徐清渭東金塵張畫月珠幘戴松風  
是節嚴陰始寒郊散野蓬薄霜霑上路殘雪繞離宮  
賜帛矜耆老寒旒問小童復除恩載洽望秩禮新崇  
臣忝承明召多慚獻賦雄

宋之問扈從登封告成頌應制一首

御路迴中岳天營接下都百靈無後至萬國競前驅  
文衛嚴清蹕函仙讀寶符貝花明漢果芝草入堯厨  
濟七衣冠會喧七夷夏俱宗裡仰神理刊木望川途  
撫已貧非病時來本不愚願陪丹鳳輦率舞白雲衢

王維和僕射晉公扈從溫湯一首

天子幸新豐旌旗渭水東寒山天仗裏溫谷幔城中  
奠玉羣仙座焚香太一宮出遊逢牧馬罷獵有非熊  
止宰無爲化明時太古同灵芝三秀紫陳粟萬箱紅  
王禮尊儒教天兵小戰功謀猷歸哲匠詞賦屬文宗



司諫方無闕陳詩且未工長吟吉甫頌朝夕仰清風

蘇頌扈從溫泉同紫薇黃門羣公泛渭川得

齊字一首

紅旗映綠萸奉使漢豐西侍蹕浮清渭揚船降紫泥

近臨釣石地遙指釣璜溪岸轉帆風疾川平棹舉齊

傳舟東是用軒馭往應迷興發菱歌動沙洲亂夕鷺

唐詩類苑第三十三卷終



